



KEMENTERIAN PELANCONGAN,
SENI DAN BUDAYA



KRAFTANGAN
MALAYSIA

BAHAGIAN KOMUNIKASI KORPORAT | KRAFTANGAN MALAYSIA
KOMPLEKS KRAF KUALA LUMPUR | JALAN CONLAY | 50450 KUALA LUMPUR
TEL : 03 - 2162 7459 | FAKS : 03 - 2161 3773 | www.kraftangan.gov.my | KRAFTANGAN MALAYSIA

SIARAN MEDIA

KRAFTANGAN MALAYSIA BANTU BANGUNKAN KOMUNITI KRAF BAHARU MENJANA PENDAPATAN

NEGERI SEMBILAN, 23 NOVEMBER 2023 – Perbadanan Kemajuan Kraftangan Malaysia (Kraftangan Malaysia) mengadakan program *Craft Media Tour* pada hari ini di Negeri Sembilan. Program ini memberi liputan khas kepada komuniti kraf baharu Negeri Sembilan di bawah Projek Pembangunan Kemahiran Komuniti (PPKK) Anyaman Buluh, Simpang Pertang dan Batik Blok, Kuala Pilah.

PPKK merupakan inisiatif Kraftangan Malaysia yang bertujuan untuk membangun dan mewujudkan komuniti kraf baharu bagi melibatkan diri secara langsung dalam perusahaan kraf bagi menjana pendapatan utama dan sampingan. PPKK ini menyasarkan penglibatan peserta yang terdiri daripada golongan belia, beliawanis, asnaf, orang kelainan upaya (OKU), penggangur, golongan kategori B40 dari bandar atau desa, golongan suri di satu-satu kawasan atau daerah. Ia dilaksanakan melalui kaedah *Train and Place* di mana peserta dilatih dari aspek kemahiran dan keusahawanan berdasarkan bidang kraf yang ditetapkan. Penyertaan dalam projek ini mampu meningkatkan kebolehpasaran untuk mendapatkan pekerjaan atau menjadikan perusahaan kraf sebagai kerjaya sepenuh masa atau sampingan.

Sempena *Craft Media Tour* hari ini, media berpeluang meninjau 15 orang peserta Makmal Pembangunan dan Pengeluaran Produk Kraf Anyaman Buluh (PPKK) Simpang Pertang (Fasa Satu) yang didedahkan dengan kemahiran asas, kelarai buluh yang sedang berlangsung pada 21-24 November 2023. *Craft Media Tour* juga bertemu 15 orang peserta Makmal Pembangunan dan Pengeluaran Produk Kraf Batik Blok (PPKK) Kuala Pilah (Fasa Satu) yang telah mempelajari kemahiran asas batik blok pada 23 hingga 23 Oktober 2023 lalu.

- TAMAT -